

ქალაქ ქუთაისის მუნიციპალიტეტის საკრებულოს წევრის,
იურიდიულ საკითხთა კომისიის თავმჯდომარის თეა ჯუღელის ანგარიში მიმდინარე
მოწვევის 2021 წლის დეკემბრის თვიდან დღემდე გაწეული სამუშაოს

შესახებ

ანგარიშვალდებულება ამომრჩევლების წინაშე და საჯაროობის პრინციპის დაცვა, მე, როგორც საკრებულოს წევრს და ამავდროულად საკრებულოს იურიდიული კომისიის თავმჯდომარეს, მავალდებულებს ყოველწლიური ანგარიში ჩაგაბაროთ გაწეული საქმიანობის შესახებ. კანონით ნაკისრი ეს ვალდებულება, საშუალებას გვაძლევს ამომრჩევლებს მიეწოდოს სრულყოფილი ინფორმაცია საკრებულოს საქმიანობის შესახებ. ნდობის მაღალი მანდატი, რომელიც განპირობებულია საზოგადოების მხრიდან, ზრდის ჩვენს პასუხისმგებლობას საქმისა და თითოეული ამომრჩევლის მიმართ. ჩვენი საქმიანობის მთავარი მიმართულებაც გამოცხადებული ნდობის გამართლება.

საანგარიშო პერიოდში რეგლამენტითა და სხვა შესაბამისი კანონმდებლობით განსაზღვრული პროცედურების დაცვით მე, როგორც საკრებულოს წევრმა და ამასთანავე კომისიის თავმჯდომარემ მონაწილეობა მივიღე საკრებულოს, საკრებულოს ბიუროსა და საკრებულოს კომისიების სხდომებში.

კერძოდ:

- საკრებულოს, საკრებულოს ბიუროს 13 რიგითი და 5 რიგგარეშე სხდომა.
- ქალაქ ქუთაისის მუნიციპალიტეტის საკრებულოს იურიდიული საკითხთა კომისიის 20 სხდომა, განხილული საკითხების რაოდენობა 67 .
- ქალაქ ქუთაისის მუნიციპალიტეტის საკრებულოს კულტურის, განათლების, ახალგაზრდობის საქმეთა და სპორტის კომისიის 9 სხდომა, განხილული საკითხების რაოდენობა 12 .

ჩატარებული ყველა სხდომა იყო საჯარო. ჩამოილილი ან გადადებული არ ყოფილა არც ერთი სხდომა.

თითოეული გადაწყვეტილება, რომელიც საბოლოოდ საკრებულოს სხდომაზე სამართლებრივი აქტის სახეს იღებს, მუშავდება კომისიების მიერ, თავიანთი სფეროს შესაბამისად.

ქუთაისის საკრებულოში ფუნქციონირებს 5 მუდმივმოქმედი კომისია, რომლებიც საკრებულოს ბიუროზე წარსადგენად სამუშაო გეგმის შესაბამისად, შეიმუშავებს განიხილავს და ამზადებს საკრებულოს გადაწყვეტილებათა პროექტებს. ყოველდღიურ რეჟიმში აკონტროლებს საკრებულოს გადაწყვეტილებათა შესრულებას, მუნიციპალიტეტის მერიის შესაბამისი მიმართულების სტრუქტურული ერთეულების, აგრეთვე მუნიციპალიტეტის მიერ დაფუძნებულ იურიდიული პირების საქმიანობას, ისმენს მათ ანგარიშებს და საკრებულოს წარუდგენს შესაბამის დასკვნებს, რეკომენდაციებსა და შეფასებებს.

რაც შეეხება ქალაქ ქუთაისის მუნიციპალიტეტის საკრებულოს იურიდიულ საკითხთა კომისიას, იგი თავის საქმიანობას ახორციელებს საქართველოს ორგანული კანონის „ადგილობრივი თვითმმართველობის კოდექსის“, ქალაქ ქუთაისის მუნიციპალიტეტის საკრებულოს 2014 წლის 14 ივლისის N1 დადგენილებით დამტკიცებული „ქალაქ ქუთაისის მუნიციპალიტეტის საკრებულოს რეგლამენტი“, „ქალაქ ქუთაისის მუნიციპალიტეტის საკრებულოს იურიდიულ საკითხთა კომისიის დებულებითა“ და სხვა ნორმატიული აქტების შესაბამისად.

კომისია უზრუნველყოფს საკრებულოს წევრთა, ადგილობრივი თვითმმართველობის თანამდებობის პირთა მიერ, საქართველოს კანონმდებლობისა და საკრებულოს დებულების მოთხოვნათა დაცვას.

ქალაქ ქუთაისის მუნიციპალიტეტის საკრებულოს იურიდიულ საკითხთა კომისია, აქტიურად არის ჩართული საკრებულოს სამუშაო პროცესში, ადმინისტრაციულ - სამართლებრივი აქტების პროექტებთან დაკავშირებით ამზადებს შესაბამის დასკვნებსა და შენიშვნებს, ქალაქ ქუთაისის მუნიციპალიტეტის საკრებულოს თავმჯდომარის დავალებით, საკრებულოში სამართლებრივად სადავო და პრობლემატურ საკითხებთან დაკავშირებით ამზადებს და წარადგენს კომისიის ზეპირ და წერილობით მოსაზრებებს.

ქალაქ ქუთაისის მუნიციპალიტეტის საკრებულოს იურიდიულ საკითხთა კომისიის მიერ, საანგარიშო პერიოდში, დეტალურად იქნა განხილული, როგორც ადმინისტრაციულ -

სამართლებრივი, ასევე, ნორმატიულ - ადმინისტრაციულ სამართლებრივი აქტების პროექტების სამართლებრივი მხარე, მათი შესაბამისობა მოქმედ საკანონმდებლო ნორმებთან, მნიშვნელოვანი ყურადღება ექცეოდა სამართლებრივ და ტექნიკურ ხარვეზებს, პროცედურულ მხარეს, წარმოდგენისა და განხილვის ვადებს. საკითხების განხილვისას კომისიას გააჩნდა სამართლებრივი და ტექნიკური სახის შენიშვნები, ყველა მათგანი გაზიარებულ იქნა აღმასრულებლის მიერ. პროცედურულ საკითხებზე იურიდიულ საკითხთა კომისიას შენიშვნა არ ჰქონია, ასევე, მიღებული სამართლებრივი აქტების შესრულებისა და მიმდინარეობის კონტროლისას დარღვევები არ იქნა დაფიქსირებული.

გარდა ზემოაღნიშნული საქმიანობებისა, ქალაქ ქუთაისის მუნიციპალიტეტის საკრებულოს იურიდიულ საკითხთა კომისიამ მისთვის მინიჭებული უფლებამოსილებებიდან გამომდინარე, ინტენსიური მუშაობა გასწია საზედამხედველო ფუნქციების განხორციელებისას.

ქალაქ ქუთაისის მუნიციპალიტეტის საკრებულოს იურიდიულ საკითხთა კომისია სხდომაზე განსახილველ საკითხებთან დაკავშირებით სისტემატიურად იწვევდა ანგარიშვალდებულ ორგანოებს, რომლებიც საკითხის დეტალურად განხილვისა და მასზე შემდგომი მსჯელობის მიზნით კომისიის შემადგენლობას წარმოუდგენდა ინფორმაციას.

ქალაქ ქუთაისის მუნიციპალიტეტის საკრებულოს იურიდიულ საკითხთა კომისიის მიერ, მოთხოვნილ საკითხებთან დაკავშირებით, არაუფლებამოსილების მითითებით წერილის უკან დაბრუნება არ მომხდარა. კომისიის მიერ, ხდება წერილის გადამისამართება უფლებამოსილ ორგანოში და ამის თაობაზე, ადრესატთან ცნობის გაგზავნა. ქალაქ ქუთაისის მუნიციპალიტეტის საკრებულოს იურიდიულ საკითხთა კომისია, აქტიურად უწევს იურიდიულ კონსულტაციას და სწორ მიმართულებას აძლევს მოქალაქეებს, მათთვის პრობლემატურ საკითხებთან დაკავშირებით.

ქალაქ ქუთაისის მუნიციპალიტეტის საკრებულოს იურიდიულ საკითხთა კომისია აქტიურად იყო ჩართული ქალაქ ქუთაისის მუნიციპალიტეტის 2022 წლის ბიუჯეტის ფორმირებასა და ქუთაისის მუნიციპალიტეტის საშუალოვადიანი პრიორიტეტების დოკუმენტის განხილვაში. 2021 წლის 23 დეკემბერს კომისიის სხდომაზე განხილულ იქნა 2022

წლის ბიუჯეტის საბოლოო ვარიანტი 2022-2025 წლების პრიორიტეტების დოკუმენტთან ერთად, რომელშიც აისახა კომისიის შენიშვნები და რეკომენდაციები, დამტკიცდა სხდომაზე და მომზადდა შესაბამისი დასკვნა.

მუშაობის კოორდინირების მიზნით კომისიამ შეიმუშავა და დაამტკიცა 2022 წლის სამუშაო გეგმა, რომელიც გახდა კომისიის ძირითადი სამუშაო დოკუმენტი.

ჩემი, როგორც საკრებულოს წევრის და ამასთანავე იურიდიულ საკითხთა კომისიის თავმჯდომარის საქმიანობის ძირითადი პრიორიტეტებია: თვითმმართველობის განხორციელებაში მოქალაქეთა აქტიური ჩართვის უზრუნველყოფა. საზოგადოებისათვის ძირითადი პრობლემატური, აქტუალური, სამართლებრივი საკითხების შესწავლისას, წინადადებებისა და პროექტების შემუშავება და ქალაქ ქუთაისის მუნიციპალიტეტში საკრებულოში შემდგომი რეაგირებისათვის საკითხის დაყენება.

ქალაქ ქუთაისის მუნიციპალიტეტის საკრებულოს წევრი,
საკრებულოს იურიდიული კომისიის თავმჯდომარე

 თეა ჯუღელი